



Jumat, 18 Agustus 2023

Ogen : Keluaren 20:1-17



Undang-Undang Pematang



Sekalok bapa naruhken anakna sekolah alu sepeda motor. Bas perdalanen, nina anak e man bapana maka ia arus meter seh sekolah erkiteken ia ertugas bas upacara bendera. Megi cakap anakna enda, si bapa pe rusaha segelah anak e seh sekolah tepat waktu dingen banci ndalanken tugasna i bas sekolah. Ibahan me laju kecepaten sepeda motorna meter. Nyelip ku kawes ras kemuhen pe ialkokenna. I bas lampu merah inenna kawes kemuhen, la lit motor si lewat e maka iterobosna. I bas ukurna labo lit motor si lewat, bicara kulanggar gia lampu merah enda labo lit sijadi korban, anakku pe seh bas sekolah tepat waktu. Pengalaman enda nuriken kerna perbahanen si mbenarken si salah. Aturen si enggo ibahan guna kiniraturen ras keselameten ras-ras. Enggo ieteh aturen e, tapi mau ilanggar alu erbage alasen guna mbenarken perbahanen silakoken.

Bangsa Israel bangsa sienterem. Ibaba Musa ndarat i bas taneh Mesir nari ku tahen siipadanken Dibata. I bas perdalanen ibereken me aturen entah undang-undang guna njaga kegeluhen. I bas aturen e lit sierkawiten ras Dibata, bage pe sierkawiten ras sapih-sapih ia (sesama). Perbahanen-perbahanen kai si arus ras si la arus ilakoken man Dibata bage pe man teman manusia. Kalak si patuh i bas ndalanken undang-undang enda ialokenna me pasu-pasu, tapi kalak si la patuh datken ukumen. Arah si enda si idah maka Dibata nge simereken undang-undang. Si e penting ras arus idalanken.

I bas kinatana, i ja pa pe lit aturen si arus man dalanenken. Aturen e ibahan guna kepentingen ras-ras labo sekalak-sekalak. Tanggal 18 Agustus iperingeti wari konstitusi, e me wari kenca kemerdekaan. I je ibahan me undang-undang guna bangsa enda. Tujunna segelah kita ngeluh i bas kiniraturen. Selaku warga negara, patuhlah! I bas kinipatuhen e maba kesejahtran kap man banta.



Blank writing area with a wavy top edge.